


# পোয়া-মাইয়া অলর লাই বাইবেল

যা প্রকাশ গইজে



যে মানুষ মাথা নত  
নঅগরে



যে লেইক্কে: Edward Hughes

যে ছবি আইক্কে: Jonathan Hay  
Alastair Paterson

যে সম্পাদন গইজে: Mary-Anne S.

যে অনুবাদ গইজে: Arpan Dey

যে পরিচালনা গইজে: Bible for Children  
[www.M1914.org](http://www.M1914.org)

©2024 Bible for Children, Inc.

বিশেষ সাবধানর কতা: এই বই ইবা বেচিবারলাই নয়, কিন্তু ইবা ছাপাইবার, ইলেকট্রনিকস,  
রেকর্ড গরিবার আর ছবছ লেখিবার অনুমতি দন গেইয়ে।

রাজা নবুকুৎনিষরে বিরাট উঙ্গা সোনার  
মুক্তি বানইয়ে। পুরা সোনার মাথাতুন  
ধরি ঠেংগ পইয্যন্ত। রাজার অয়ত  
ভুলিগিয়েগই ঈশ্বরে স্বপ্নর মইধ্যে  
দিয়েরে তাঁরে কইল যে সোনালী রাজ্য  
আজীবন নথাগিবা। অয়ত চিন্তা গইজে  
যে সোনার মুক্তি বানাইলি স্বপ্নর  
মইধ্যে ঈশ্বরে জিয়ান কইয়ে ইয়ান  
তার উবর নঘডিবা।




রাজার একজন কর্মচারীয়ে এই ঘোষণা বেয়ঙ্গুনে পরি উনায়ে:  
“... অবশ্যই তোয়ারা বেয়ঙ্গুনে এই সোনার মুক্তির সাম্মনে উইতঅই পরিয়েরে আরাধনা গরিবা ... এবং যদি কয় উইতঅই পরিয়েরে আরাধনা নগরে ইতারারে জ্বলন্ত অইনর উবরে ফেলাই দেয়া অইবা”




3

তিনজন ছাড়ার আর বেয়ঙ্গুনে রাজার আদেশ মত গইজে। তাঁরা অইয়েদে শদ্রক, মৈশক, অবেদনগো, দানিয়েলন বন্ধু হয়তো দানিয়েল এনসমত এডে নোয়াছিল, থাগিলি অবশ্যই মানুষর বানাইয়া মুক্তির আরাধনা অস্বীকার গইরত।



4

রাজার বুদ্ধিমান মানুষলে দানিয়েল আর তাঁর বন্ধুঅলরে হিংসা গইরত কারণ রাজায় তাঁরারে বেশী পছন্দ গইরত। তারা কইয়ে, “এডে তিনজন আছে যারারে বাবিলর বিভিন্ন এলাকাত বিচারক বানাই দিয়ন – শদ্রক, মৈশক, অবেদনগো। অ মোহারাজা এই মানুষ অল অনার বাধ্য নময়া। তাঁরা অনার দেবতার সেবা নগরে একি যে সোনার মুক্তি বানাইয়ন ইবার কাছে আরাধনা নগরো”




5

রাজা নবুকুৎনিষর রাগিগিয়েঐ। রাজা তারারে সাবধান গরিদিয়ে, “যদি তোয়ারা আরাধনা নগঅর, তইলি তোয়ারারে জ্বলন্ত অইনর মাঝে ফেলাই দেয়া অইবা। তহন কঅন ঈশ্বর তোয়ারারে আর আতত্তুন বাচাইব?”




6

রাজায় বড় ভুল গইরত যারা আসলে জীবন্ত ঈশ্বররে চেলেনজ গরের। এই তিন জন ইব্রিয় জানে যে মুক্তির আরাধনা গরঅন মানে ঈশ্বরর অবাইদ্য অন। তাঁরা সোজা থিয়াইয় রইয়ে। কারণ তাঁরা ঈশ্বররে বিশ্বাস গরে ইতারলাই রাজার ডরনাই।



7

এই তিনজন সাহসি মানুষ রাজারে একখন উত্তর দিয়ে। তারা কইয়ে, “আরার ঈশ্বর আরা যার আরাধনা গরি, ওঐ আরারে বাচাইত পারিবা কিন্তু যদি নগরেঅ, তারপরেঅ রাজা মহাশয় মনত রাহন আরা অনার বানাইয়া সোনার মুক্তির আরাধনা গইরতাম নয়”



8

রাজা নবুকুৎনিষর মারাত্ত  
ভাবে রাগিগিয়েএ!  
অইনর তেজ  
আগরতুনবরে আরো  
সাতগুন বারাইত আদেশ  
দিয়ে। এই মানুস অল  
এহনঅ আড়ু নগারো।



9

রাজায় তার শক্তিশালী আর্মিরে হুকুম দিয়ে, শদ্রক, মৈশক,  
অবেদনগোরে শক্ত গরিয়েরে বাধি, জ্বলন্ত অইনর মাঝে  
ফেলাইতি।



10

অইনর তেজ এত বেশী যে যারা  
শদ্রক, মৈশক, অবেরনগোরে  
ফেলাইত গিয়ে ইতারা গরমে  
মরিগিয়ই।




11

রাজায় দুরতুন থাইয়েরে চাইরইয়ো। তিনজন মানুসরে জ্বলন্ত অইনর ঠিক  
মাঝদি ফেলাই দিয়ে। কিন্তু রাজা আরো কিছু দেখের।




12

রাজা নবুকুৎনিষর অবাগ অইগিয়েই!  
“আরা কি তিনজন মানুসরে বাধা অবস্থায়  
অইনর মাঝদি নফেলাই?” তার সাইযা  
কারী অলরে জিঙ্গার। “অ” তারা  
উত্তর দিয়ে। ফিরি চা! আইত  
দেখির ইতারা বাধন খোলা,  
অইনর মাঝদি আডাআডি  
গরের, আর তারার  
কঅনঅ ক্ষতি নঅর।  
আর চাইর নম্বর  
জন দেখতে ঈশ্বর  
পুত্রর মতন!”



13

জ্বলন্ত অইন কুন্ডর কাছাকাছি যাইয়েরে  
ডাকদিয়ে, “শদ্রক, মৈশক, অবেরনগো,  
মোহান ঈশ্বরর সেবক বাইরঅই আইয়া!”  
তারপরে শদ্রক, মৈশক, অবেরনগো  
অইনর কুন্ডুরতু বাইর অই আইসসো।



14

বেয়াঙ্গুনে কাছে আইয়েরে এই তিনজন ইব্রিয়েরে পরিক্ষা গরিয়েরে চারা। তারা দেইখে যে আইনের কঅনঅ ক্ষমতা নাই তারারে পুরিবারা। তারার কি চুল, কি শরিলর কাপর কিছুই নপোরো। তারা শরীলত পোরার কঅনঅ চিহ্ন নাই।



15

রাজা নবুকুৎনিষরে যহন বুঝিত পাইজে আসলে কি আইয়ে, রাজায় খুব ঞানীর মত কাম গইজে। পার্থনা গরিয়েরে কইয়ে, “শত্রক, মৈশক, অবেদনগোর ঈশ্বরর গৌরব অউক, যে তাঁর দূত পাঠাইয়েরে তাঁর সেবক, যারা তাঁর সেবা গরে তাঁরারে উদ্ধার গইজে।”



16

যে মানুষ মাথা নত নঅগরে

ঈশ্বরর বাইক্য পবিএ বাইবেলের তুন গল্পওয়া লওয়া আইয়ে

গল্প ইবার মইদ্যে আছে দে

দানিয়েল ৩

“তোঁয়ার বাইক্যই আঁর জীবনর আলোর কেবার (দরজা)।”

গীতসংহিতা ১১৯:১৩০ পদ

17



33

60

18

এই বাইবেলর কাহিনী ইবা যে, আরারে তৈয়ার গইরগে এবং তিনি চান যেন আরা তাঁরে জানি আরার সেই চমৎকার ঈশ্বরর ব্যাপারে আরারে কয়।

ঈশ্বর জানে যে, আরা খারাপ খারাপ কাম গইরগি যিবারে ঈশ্বরর পাপ কয়। পাপর শাস্তি মরণ কিন্তু ঈশ্বরর আরারে বেশী ভালবাসে। তিনি তাঁর অল্পো পোয়া যীশুরে আরার পাপর লাই ক্রুশত মরিবারলাই আর শাস্তি পাইবার লাই পাঠাই দিইল। পরদি যীশু মরনরতুন জেয়াতা হইয়েনে স্বর্গর মধ্যে যে, ঘর আছে এডে ফিরি গেইয়ে। যদি অনে যীশুরে বিশ্বাস গরণ আর অনর পাপর লাই তাঁর কাছে মাফ চন তইলে তিনি মাফ গরি দিব। তিনি এখন আইয়েরে আরার মধ্যে থাকিব আর অনেও তাঁর মধ্যে আজীবন থাইবেন।

যদি অনে বিশ্বাস গরণ যে ইবা হাঁসা তইলে ঈশ্বরর কাছে এই প্রার্থনাওয়া গরণ:  
প্রিয়া যীশু, আই বিশ্বাস গরি দে, তুঁই ঈশ্বর আর আরার পাপর লাই মরিবার লাই মানুষ হইয়েনে জন্মগ্রহণ গইরজুইন। আর এখন তুঁই আবার জীবিত আছন। দয়া গরি আর জীবনত আইয়ো আর আর পাপ ক্ষমা গরি যেন, আই এখনতুন নওয়া জীবন পাইত পারি আর এক দিন হারাজীবন তোয়ার অংগে থাইকতো যাইত পারি। আরে সাহায্য গরি যেন, তোয়ার আদেশ মানিত পারি। আর তোয়ার পোয়া হইয়েনে তোয়ার লাই জীবন কাটাইত পারি।

বাইবেল পড়ন আর পোস্তকদিন ঈশ্বরর অংগে কথা কন (যোহন ৩:১৬)।

19